

**SETSWANA PUOTLALELETSO YA NTLHA: PAMPIRI YA II  
SETSWANA FIRST ADDITIONAL LANGUAGE: PAPER II**

**MARKING GUIDELINES**

Nako: 2½ Diura

Maduo: 100

---

**These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.**

**The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.**

---

## **KAROLO A                    DIKWALO TSA PADI**

### **POTSO 1**

Dipoelothuto tsa bobedi, boraro le bone. Go buisa le go lebelela / bogela; go kwala le go tlhagisa; gammogo le tiriso ya puo.

#### **1.1    PADI    *NTLHOMOLE MMUTLWA: O. M. LOBELO***

1.1.1    Sebogodi Tlhapedi.

1.1.2    Kgori le Kelogile.

1.1.3    TSHOBOTSI YA MOSIMANE WA MOSWEU.

- Moriri e kete kokwana e sa tswa go inolwa mo metsing.
- Matlho a maswaana.

1.1.4    • Bra Boots e ne e le lephodisa le le itsegeng, le le tshabegang.  
• O ne a itse go pega seganana mphaatshane tota.  
• Ba ne ba ipotsa dipotso gore ke mang masenyadiagelo mo gare ga bona.  
• Ba ne ba tshogile go bona sejanaga sa sepodisi se itelekela ka ditheo tsa meepo.  
• Bra Boots o ne a fitlha a ba tlhakanyetsa.  
• Bra Boots o ne a ba botsolotsa dipotso.

1.1.5    Matsetseleko o ne a tshabile kwa gae go se na ope yo o itseng kwa a leng. Batsadi ba fitlhetse a seyo kwa phaposing ya gagwe ya borobalo. Batsadi ba batla thuso, mmaagwe a roma Bonolo go ya go bega kwa sepodising. Bra Boots a tla go tsaya tshedimosetso yotlhe ka ga go nyelela ga Matsetseleko.

1.1.6    Nyaya, Matsetseleko ga a dira sentle ka go ngwega gonne a ka tshwarisa batsadi malwetse. \ Ee, gonne rraagwe o ne a mo gapeletsa go nna mogotsamolelo wa kwa kgosing ena a sa batle. (DIKARABO TSA BATLHATLHOJWA TSE DI MALEBA DI ELWE TLHOKO)

- 1.2
- Segonyamatlho o ne a tsere Matsetseleko jaaka morwae. O ne a mo direla ka botswapelo, e bile Segonyamatlho a tlogetse tsotlhe mo matsogong a gagwe.
  - Segonyamatlho o fitlhetse Matsetseleko a robetse mo setupung sa kwa lebenkeleng ka nako ya go tswalela. A mmotsa gore ke mang, o tswa kae, o ya kae, o bewa ke eng fao.
  - Matsetseleko a tlhalosa fa a tswa Phiritshweu a tlile go iteka lesego mo meepong e e gaufi, go ka bona tiro.
  - Matsetseleko a bua fa a phirimeletswe, a latlhegile.
  - Ka mokgwa o a neng a ikobile ka teng, Segonyamatlho o ne a mo utlwela botlhoko, a mo naya marobalo mo ga gagwe.
  - Matsetseleko a robala monate ka dikobo tse di bothito a bo a lora rraagwe Kgori a mo lelekisitse ka dipitse, a mmetsa ka seme, ena a goa, ke fa a phapama.
  - Segonyamatlho a konyakonya mo monyako, a laela Matsetseleko go ipaakanya o tlaa mmaya mo tseleng gonne a ya toropong go reka dilwana tsa lebenkele.
  - Segonyamatlho a laela Matsetseleko gore fa a fetsa mekgaphe ya gagwe ya go batla tiro, a boele kwa lelapeng o tlaa mo neela gape marobalo.
  - Segonyamatlho o ne a mo neela tiro ya go mo thusa kwa lebenkeleng a sa letile tiro kwa meepong.
  - O solofetsa Matsetseleko dijo, marobalo le dithuso tse di tshesenyana, ga a na a bona tuelo.
  - Segonyamatlho a itumelela tiro ya boikanyego ya Matsetseleko, a rolela bontsi jwa tiro mo go Matsetseleko.
  - Matsetseleko o itse go kgweetsa, a bona tiro kwa meepong a ntse a nna mo ga Segonyamatlho.
  - O tlhatlosiwa kwa tirong, Segonyamatlho a ntse a mo tshegeditse ka dikgakololo, a bo a mo rekisetsa koloi ya gagwe.
  - Matsetseleko a tshwarwa a isiwa kgolegelong, mme Segonyamatlho a sa dumele gore o molato.
  - Segonyamatlho a tsaya matsapa a go ya kwa Phiritshweu go ba bolelela ka go tshwarwa ga Matsetseleko.
  - Ka letsatsi la tsheko, Segonyamatlho a rulaganya moletlonyana mme a laletsa botlhe ba ba neng ba tlile go utlwelela kgetse ya Matsetseleko, dijong tsa motshegare.

- 1.3 Matsetseleko o boile tirong a lapile thata, a fitlha a tlhapa, morago a robala.
- O ne a lora a le kwa kamotshaneng ya gawe kwa Phiritshweu a robetse.
  - A bonna motho a bula mojako ntle le go kokota, a fitlha a mo tshela ka lookwane fa a neng a robetse teng.
  - A ntsha molelo a a mo tshubela foo.
  - Motho yoo o ne a sa bonale mo sefatlhegong gore ke mang.
  - Matsetseleko o ne a kgaratlha fa a neng a robetse gone a leka go tshaba. Ka maswabi molelo o ne wa mo fisa maoto, matsogo le tlhogo.
  - Se se neng se makatsa ke gore molelo ga o a ka wa fisa mmele wa gagwe.
  - Mo torong Matsetseleko o ne a ledile, e bile a gwaegile lentswe, mme go se fa go leng botlhoko kgotsa a utlwang setlhabi gona.
  - E ne ya re go fisa Matsetseleko jalo, motho yoo a retologa go leba kwa mojako. A bua ka lentswe le le kwa godimo, le le bogale a lebeletse kwa thoko gore ngwana yo o tlhogo kgolo o sira rraagwe, e bile leitlhonyana le le nyatsang rraalona le mmaalona, magakabe a molapoa tlaa le gonya.
  - Fa motho yoo a fetsa go bua, Matsetseleko a lemoga fa e le rraagwe. Rraagwe a tswela kwa ntle, molelo wa golela kwa godimo, wa khurumetsa mmelenyana o o setseng wa Matsetseleko. (DIKARABO TSA BATLHATLHOJWA TSE DI NEPAGETSENG DI ELWE TLHOKO)
- 1.4 Bra Boots o ne a boetse mo letsholong la gagwe la go batlana le Matsetseleko ka a ikutlwa maatla go gaisa ka a tlatlositswe go nna mokapotene.
- O ne a emisa mo lebenkeleng lengwe la mapotokisi, a reka dijo le senotsididi, a jela teng mo lefelong leo la bojelo.
  - Fa a sa ile le dikakanyo, a bona mongwe ka letlhabaphefo a sokasokana le setswalo sa koloi ya gagwe kwa ntle.
  - Ga a ka a senya nako, a betsega ka mojako a itshwere lebanta. Go bontsha sentle gore maikaelelo a gagwe ke go ntsha sethunya a phamphomolola motho tlhogo.
  - Motho mongwe a mo thipola molala ka tshipi go tswa kwa morago, a wa ka sefatlhego.
  - Monna yoo o ne a dira tiro ya gagwe ka bonako, a goga dinotlolo tsa sejanaga mo kgetseng ya ga bra Boots, a di latlhelela yo o neng a sokasokana le mojako wa sejanaga.
  - A goga sethunya sa bra Boots, mme ba itatlhela mo sejanageng. Sa tloga ka lebelo le le kwa godimo.
  - Ka nako eo, bra Boots o ne a rapaletse fa fatshe, go se sepe se a ka se dirang. Dipone tsa tima, a idibala.
  - Monna wa lepotokisi wa lebenkele, o ne a bone tiragalo eo yotlhe. A phamola mogala a bitsa mapodisi le ba bookelo ka gangwe.
  - Mapodisi a ne a goroga, ba fitlhela dinokwane di setse di tshabile ka sejanaga le sethunya tsa ga bra Boots, mme ba diragatsa molao fela ka go sala sejanaga seo morago.
  - Monna wa lebenkele a ba bontsha tsela e e tserweng ke magodu ao, mapodisi a ragoga ka lebelo go iteka lesego.
  - Ba bookelo le bona ba goroga, ba fitlhela bra Boots a gobetse molala go utlwala, ba mo phutha go se na tsholofelo fa a ka tsoga a kgona go itirela mo botshelong.
  - Puo e ne e sa tlhole e tswa, a fegelwa, leleme le lepeletse.

- Matsetseleko o ne a tswile ka pele kwa tirong kwa moepong gonne a ipaakanyetsa go kwala ditlhatlhobo letsatsi le le latelang. O ne a emetse dipalangwa gonne a isitse koloi kwa bathuding go baakanngwa. (Go fetola oli le go tsenya maremo a maswa.)
- Magodu a tla a itatlhela mo sejanageng, a leboga. Ntle le go botsa gore o ya kae, monna wa legodu a tlosa sejanaga ka lebelo le le tseisang sedidi.
- Matsetseleko a lemoga gore bo sele bo se na mahube. A kopa go fologa, ba mo itlhokomolosa.
- Ga tlhaga dikoloi tsa maphodisa tse pedi kwa morago di le mo lebelong. Ba simolola go thuntshana le koloi ya boMatsetseleko. Monna mongwe wa legodu le ena a goga sa gagwe.
- Fa ba fologela ka thotana, ba fitlhela setlhotswana se sengwe sa maphodisa se iphitlhile fao. Tlhobolo ya simolola go gelebetega gape.
- Go ne go se ka mo magodu ba ka falolang ka teng, monna wa legodu a pagama thotana ka sejanaga.
- Sejanaga se ne sa tlhatloga, sa lepelela, sa betsagana ka dinko go pota thabana ka kwa.
- Se ne sa sugakana, sa sala se le makgasa.
- Fa maphodisa a fitlha ba fitlhela go elela madi go tswa mo letlhekeng le la koloi. Ba leka go se pitikolola go ntsha ditopo.
- Ba fitlhela magodu a tlhokofetse, Matsetseleko ena a idibetse, a ntshiwa, a isiwa bookelong ka emelanse.
- Fa maphodisa a sekaseka koloi, ba fitlhela e le ya ga bra Boots. Ba fitlhela dipampiri tse di kayang fa a batlana le Matsetseleko Kebapetse.
- Karata ya Matsetseleko ya go tsena e ne ya fitlhelwa mo dikgetsaneng tsa gagwe. Ba ipotsa dipotso gore ke eng se Matsetseleko le magodu ba neng ba se batla mo go bra Boots.
- Maphodisa ba pata emelense, dipotso tsa simolola go tlhatlagana mo bathong, ba bua gore Matsetseleko o ne a utswa ditaemane kwa moepong a di neela magodu. Jaanong e rile go lemoga fa bra Boots a mo fitlhetse, a leka go mmolaya mmogo le ditsala tsa gagwe.
- Matsetseleko o ne a emelwa ke badikgotlatshekelo ka leitlho le le ntshotsho, ba rapela gore a fole a kgone go tla go arabela melato yotlhe ya gagwe.
- Fa a fetsa go itharabologelwa, a isiwa kwa kgolegelong. (DIKARABO TSA BATLHATLHOJWA TSE DI NEPAGETSENG DI ELWE TLHOKO)

**KAROLO B DIKWALO TSA TIRISANO**

**POTSO 2 LEKWALO LA BOTSALANO**

PAPETLANA YA KABOMADUO YA DIKWALO: LEKWALO LA BOTSALANO / LEKWALO LA SEMMUSO.

Maele a go tshwaya						Simbolo	Tlhaloso
100	70	50	40	<b>30</b>	20	<b>A+</b>	
97	68	48	38	<b>29</b>	19	<b>A</b>	<b>Matsetseleko:</b> bokgoni jo bo dinaledi; bopaki jo bo itlhaotseng; boikakanyetsi le setaele sa gagwe.
93	66	46	36	<b>28</b>	18		
90	64	45	34	<b>27</b>	17		
87	62	44	32	<b>26</b>	16		
83	60	42		<b>25</b>			
80	56	40		<b>24</b>			
77	55	38	30	<b>23</b>	15	<b>B</b>	<b>Siamethata:</b> Bokgoni ga bo a itlhaola; kagego e teng; o a itlhalosa, le boikakanyetsi bo tennyana.
75	53	37	29	<b>22</b>	14		
73	51	36	28	<b>21</b>			
70	49	35					
67	48	34	26	<b>20</b>	13	<b>C</b>	<b>Siame:</b> Tlhagiso e tlhamaletse, e phepa; thulaganyo e ntle; tihatologano le dikakanyo di a kgotsofatsa.
65	46	32	25	<b>19</b>	12		
63	44	31	24	<b>18</b>			
60	42	30					
57	41	28	22	<b>17</b>	11	<b>D</b>	<b>Magareng:</b> Tlhagiso e tlhamaletse; karabo e lekanetse; diphoso di mmalwa.
55	39	27	21	<b>16</b>	10		
53	37	26	20	<b>15</b>			
50	35	25					
47	34	23	18	<b>14</b>	9	<b>E</b>	<b>Bokoa:</b> Megopolo, dikakanyo le boithaloso di bokoa; tirisipuo e bokoa.
45	32	22	17	<b>13</b>	8		
43	30	21	16	<b>12</b>			
40	28	20					
37	27	18	14	<b>11</b>	7	<b>F / FF</b>	<b>Bokoathata:</b> Diphoso; o rutegilenyana; thutapuo ga e yo, go tlhakathakane.
35	25	17	13	<b>10</b>	6		
33	23	16	12	<b>9</b>			
30	21	15					
27	20	14	11	<b>8</b>	5	<b>G</b>	<b>Pheilo e tlhamaletse:</b> Ga e botlhale; e tsamaela kwa bo sarutegang.
23	16	12	9	<b>7</b>	4		
20	12	10	7	<b>6</b>	3		
17	10	8	6	<b>5</b>	2		
13	8	7	5	<b>4</b>			
10	7	5	4	<b>3</b>			

**PALOGOTLHE: 30:** *Dirisa dipalo le disimbolo tse di ntshofaditsweng go tsamaelana le palogotlhe ya dipotso, ke gore 30. Fa o tshwaya kagego ya lekwalo ela tlhoko pharologano e e teng fa gare ga lekwalo la semmuso le lekwalo la botsalano, ke gore, lekwalo la semmuso le na le: diaterese tse pedi, ditumediso, setlhogo, le bokhutlo, fa lekwalo la botsalano lona le na le: aterese, ditumediso le bokhutlo.*

### POTSO 3 DIKWALO TSE DI KHUTSHWANE

PAPETLANA YA KABO YA MADUO YA DIKWALO TSE DIKHUTSHWANE:

PHASALATSO

Elatlhoko: Maikaelelo a karata e ke go go kaela tebang le kabo ya maduo. Itse gore potso e bua ka matseno, mmele le bokhutlo, wena o itse gore karata e bopegile jang. O tshwanetse go ranola kagego e, ke gore tlhatlologano ya dikakanyo kgotsa diteng.

<i><b>Kgaoganyo yamaduo</b></i>	<i><b>Diteng</b></i>	<i><b>Kagego</b></i>	<i><b>Tirisopuo 1</b></i>	<i><b>Tirisopuo 2</b></i>		
Phopholetso ya ntlha	Dikakanyo tsa Serutwa. Maikutlo, mowa, boitshimolo-ledi	Thulaganyo / kagego: temana ya matseno le ya bokhutlo. Tatelano ya ditemana.	Tlhamo ya dipolelo, motswako, mopeleto le matshwao-puiso.	Puo, tiriso ya maele, tlotlofoko.	Palogotlhe ya kgaoganyo.	Maduo a bofelo.
10	5	2	2	1	10	10

**Maduo otlhe: 100**